

## Message Three

### **Khrih kah Aduekna oen Thawhkoepna kah muisam**

Caciim teeham. Rom.6:3-5.5:17. Gal.3:27

#### **I. "Jesu Khrih khuiah baptisma aka huthli boeih tah a duekna khuiah baptisma ng'huh u poen-Rom.6:3.**

- A. Baptisma tah pungcan pakhat nawk atah sing azoe pakhat moenih. Tetah Khrih oen mami Khat repla awmna te huhsakna la awm - athaan.3.
- B. Baptisma rangoen mami tah Khrih khuiah m'buek u tih, mami kah a huenmawl la n'khuen u. Te rangoen mami he a duekna oen thawhkoepna dawngah pumkhatla n'thooek u thai poen ai.
- C. Mami he pakhatna thlaang Adam kah a kungkur dawngah cuunla ng'awm u de (1 kor.15:45,47), baptisma rangoen apabe thlaang(1Kor.15"47) Khrih kah a kungkur khuila m'pawng u (1:30.Gal.3:27).
- D. Khrih khuila baptisma ng'huh vengah, a duekna khuila baptisma ng'huh u-Rom.6:3.
- E. A duekna lawngah mami he dilai oen setan kah zin tharana kalawng ng'hooeptlang tih pumsa hingna, ruemraw cooengna, kamah, thisa oen kawngku pumboeih te a boet sak.

#### **II. "Te dawngah a duekna khuiah baptismana rangoen, te Bawipa oen vui haihla ng'awm u. Metitiah Khrih te Pa bawilenna lawng a thawh sak koep angla, mami khaw hingna a thai dawng khaw n'sak u ham ni"-athaan.4.**

- A. Mami kah thlangting ruem he Khrih oen haih a duek coengah(athaan.6) a duekna dawng baptismana rangoen vui haihla ng'awm u.
- B. Pumsaben atah thlaang pakhat he a duek lamha coengah vuila awm. Tede Paul kash awl lawngah muithlaben huenmawl dawngah mami he lamha la m'vui u coengah n'duek hamla awm tila athui.
- C. Mami he dairekla duekna moenih. Baptisma rangoen Khrih kah a duekna khuila n'kuunna teni.
- D. Khrih oen a duekna he pakhat buengla awm.
- E. Khrih muehla a duekna khuiah baptisma ng'hu thai manawh, metitiah aphi ka awm a duek cooengna he aka thoukoep tih soeprep boeih aka thuum amah dawng buengah ng'huh dawngah ni - ref, Jhn.5:29.11:24-25.Cel.1:22.
- F. Rom.6:4 kah Pa bawilenna tah Pathen cooengna kah a tuengna teni.
- G. Baptisma huh coengatah mami he thawhkoepna dawng thlangthai la ng'awm u - Fil.3:10.
- H. Thawhkoepna tah hailamben pahuen bueng ouhla, tahe tue kah lawngzaw la khaw awm.
- I. A thai hingna dawng khawsakna tah tihin thawhkoepna huenmawl dawng hingna oen hingna dawng uktemna la awm - Rom.6:4.5:17.
- J. Heang hingna lawng mami he Khrih muisam dawng soebirla mui thawlengna oen phek lawhna a awm thlan toe mami dawng aka awm Adam cooengnathli boeih te a hoi a tlaang pe - 12:2.8:29.

#### **III. "Mami tah a duekna muisam te n'khuen tih, amah oen haih n'rooeng u atah, thawhkoepna dawngah amah angla ng'awm uvan ai"-6:5.**

- A. Bawipa oen haih n'rooeng utih ati he aka rooeng sak thai hingna ben thooekna te a thui. Te rangoen thlaang lawng thlangtloe pakhat kah hingna oen noekna muimethli dawngah thuum thai-athaan.5a.
- B. Khrih oen haih hingna ben thooekna u dawngah Khrih lawng a poengphaithli boeih he mami kah cilrui la va awm.

- C. A duekna oen thawhkoepna he taheah mami kah thaihu la va awm. Metitiah mami tah amah dawngah ng'awm tih, amah tengah hingna oen n'tuhtawm u dawngah ni. Hetah bekcawng hingna la awm-11:24.
- D. He bekcawngna lawng mami dawngkah athee cooengna boeih te a tlumhawn sak tih, Pathen kah peek saithainathli te koep a hing sak, a pawmsang tih a betoet sak coengah mui thawleng pe hamla n'cooengna pumboeih dawngah sak a kuun sakna la awm.
- E. Khrih kah a duekna muisam tah Rom.6:4 dawng a thui baptismal a awm tih, a thawhkoepna muisam tah athaan.4 kah a thai hingna te ni.
- F. *Thawhkoepna muisam dawngah*(athaan.5) ti he hailam kah thawhkoepna ouhla, tahe kah rooengna lawngzaw te a thui.
- G. Baptisma ng'huh vengah a duekna muisam dawngah Khrih oen haih n'rooeng u tih, taheah a duekna rangoen mami he a thawhkoepna khuila n'rooeng u.
- H. Khrih a duekna cooengna te amah dawng buengah ng'huh thai angla, thawhkoep cooengna khaw Khrih dawng buengah ni ng'huh thai. Amah he thawhkoepna la awm Jhn.11:25.
- I. A soeng baptismal te n'huhtawng coengah, a thawhkoepna muisam dawngah Khrih oen haih, Khrih dawngah poe n'rooeng u. Hetah a thai hingna dawng khawsakna la awm-Rom.6:4.

#### **IV. Khrih khuiah baptismal aka huthli boeih tah ..."Gal.3:27.**

- A. Baptisma he muisam pali awm- Pa Capa oen Muithla kah a ming khuiah baptismal na(Matt.28:19), Khrih khuiah baptismal na(Gal.3:27), Khrih kah a duekna khuiah baptismal na(Rom.6:3) oen Khrih a takpum khuiah baptismal na (1Kor.12:13)tila awm.
- B. Baptisma lawngah thawlh zut thlangthli te hingruem a boet pe sak tih Khrih kah a thai hingna oen a tawng sakna rangoen hingruem khui kalawng thoeng tih thlangthai pakhat paihuen te a khuen pe-Rom.8:2,10.
- C. Baptisma dawngah muime pahih awm- huh thai muime oen huhthai nawh muime tila awm.
  1. Huhthai muime tah tui oen baptismal la awm tih, huhthai nawh muime tah Ciim Muithla rangoen baptismal la awm-Cel.2:38,41. 10:44-48.
  2. Muithla rangoen huh thainawh baptismal thuum muehla, tui oen huhthai la ka awm baptismal tah a hawng'hii ni, tui oen huhthai baptismal thuum muehla, Muithla oen bueng huhthai nawh baptismal he khaw soep nawh tih atakla awm thai manawh, pahih bawkla a ngoe.
- D. Thumkhat Pathen khuiah baptismal huhna tah Khrih khuiah baptismal huhna la awm-Gal.3:27.
  1. Mami tah Khrih dawngah ng'awm u dawngah Pathen kah cathli la ng'awm utih, Khrih khuiah baptismal ng'huh u dawngah Khrih dawngah ng'awm u - Rom.8:10,14. Gal.3:26.4:7.
  2. Khrih khuila baptismal huhna tah Khrih dawngah awmna lawngim la awm-3:27.
  3. Mami tah Khrih khuiah baptismal ng'huh u dawngah, taheah amah oen haih hingna ben thooekna te ng'awmgaih u, tetah mami kah cooengna pumboeih te mui thawleng sak thai-Rom.12:2.
  4. Gal. a boel 3 kah a boetna dawngah Paul lawng Khrih khuiah baptismal huhna, Khrih buennaakna oen tuhkaaina awl oen a boet sakna he thuingaihna bouthlang awm-athaan.27.
  5. Paul lawng baptismal na ben awl oen a boet sakna tah he a boel dawngah cumrum la a thui thaihu te Khrih khuiah baptismal huhna oen Khrih buennaak coeng dengah ni huhtawng thai ai tite a tueng sak-athaan.27.
  6. Khrih khuiah baptismal aka huthli boeih tah Khrih te a buen naak u- athaan.27.
  7. Mami lawng Khrih khuiah baptismal ng'huh utih, taheah mami aka muekdah Khrih ng'khueh u.
  8. Khatben ah baptismal huhna dawngah mami he Khrih khuiah m'buek u tih, atloe khatben ah mami lawng Khrih te m'buen naak u.
  9. Mami lawng Khrih khuiah baptismal n'huh utih mami kah buen naak la, khukdahna la amah te m'buen u tite thlaang zahawh lawng khangmai la sausi a deng thai ai-athaan.27.